


IZVJEŠTAJ O PREGLEDU STANJA

Izveštaj naslovljen Bosna i Hercegovina, Osobe nestale usljed oružanih sukoba tokom 1990-ih: pregled stanja koji je ICMP objavio u decembru 2014. godine predstavlja najobuhvatniju ikada urađenu analizu napora jedne zemlje da pronađe osobe nestale nakon oružanih sukoba.

Procijenjeni broj osoba ubijenih u sukobima nakon raspada SFRJ.

140.000



Nešto više od

100.000



Broj osoba koje su život izgubile tokom sukoba u Bosni i Hercegovini u periodu 1992-1995. godina.



Više od

31.000


Procijenjeni broj nestalih osoba po okončanju sukoba u Bosni i Hercegovini.

23.500

Procijenjeni broj nestalih osoba koje su pronađene i identifikovane do juna 2025. godine.

7.500

Procijenjeni broj osoba za kojima se još uvijek traži.



75%

Oko 75% ukupnog broja nestalih je pronađeno i identifikovano.

Do 2000. godine na temelju klasičnih metoda (putem identifikacijskih dokumenata, odjeće, karakterističnih fizičkih osobina) identifikovano je oko 8.000 osoba. Nakon iscrpnh konsultacija, ICMP 2001. godine pokreće proces identifikacija zasnovan na analizi DNK. U tom procesu porede se profili DNK izolovane iz bioloških uzoraka koje dobrovoljno daju srodnici nestalih osoba sa profilima DNK izolovanim iz postmortalnih uzoraka koji se ICMP-u dostavljaju prema sporazumu sa domaćim vlastima. Odluka o primjeni nove tehnologije u procesu identifikacija rezultirala je eksponencijalnim rastom broja identifikacija.



74.315

Broj prikupljenih referentnih uzoraka

Broj prikupljenih referentnih uzoraka predstavlja ukupan broj referentnih uzoraka koje su dali članovi porodica nestalih osoba u svrhu njihove identifikacije u Bosni i Hercegovini. Broj potrebnih referentnih uzoraka ovisi o stepenu srodstva članova porodice i nestale osobe te o karakteristikama DNK porodice. Ponekad je dovoljan referentni uzorak jednog roditelja ili djeteta, ali su u većini slučajeva neophodni referentni uzorci dva ili više bližih srodnika. Uzorci bližih članova porodice - poput roditelja, djece, braće i sestara nestale osobe daju najbolje rezultate, ali su upotrebljivi i referentni uzorci daljnjih članova porodice.

24.626


Broj nestalih osoba čiji su srodnici dali referentne uzorke neophodne za izolovanje DNK.

54.480

Broj postmortalnih uzoraka koje su domaći predstavnici vlasti dostavili ICMP-u.

15.686

Broj jedinstvenih podudaranja DNK.



Prema anketi koju je ICMP proveo u Bosni i Hercegovini, traganje za nestalim osobama ne smatra se pristranim procesom u smislu nacionalnosti ili državljanstva. Prevladavajuća većina taj proces posmatra kao neizostavni element poratnog oporavka zemlje.

80%

građana BiH smatra da otkrivanje istine o sudbini nestalih osoba doprinosi pomirenju.


87%

ispitanika smatra da zajedničke memorijale i dane sjećanja treba posvetiti svim nestalim osobama.


96%

ispitanika smatra da se traganje za nestalim osobama ne treba provoditi na temelju nacionalne ili religijske pripadnosti.

Analiza Centralne evidencije nestalih osoba ne pokazuje značajnu razliku u stopi identifikacija osoba za kojima traga Federacija Bosne i Hercegovine (75 procenta) i Republika Srpska (76 procenta). Drugim riječima, nema razlike u prosječnoj stopi identifikacija bez obzira na to gdje u Bosni i Hercegovini je prijavljen nestanak neke osobe.




Mapa lokacija na kojima se posmrtni ostaci nestalih pronalaze od 1996. godine



ICMP pruža podršku u stotinama istraga na različitim lokacijama i u identifikaciji nekoliko hiljada slučajeva. Pomoć u planiranju, upravljanju i provođenju iskopavanja, dokumentiranju lokacija, prikupljanju dokaza i analizi podataka je kritična za proces dostizanja pravde. Program za arheološku i antropološku podršku pomaže u istragama mjesta zločina, masovnih i pojedinačnih grobnica te u procesu traganja za nestalim osobama, njihovoj ekshumaciji, dokumentiranju, pregledu i analizi pronađenih posmrtnih ostataka.

Međunarodna komisija za nestale osobe aktivirala je novu online aplikaciju pod nazivom „Prijava lokacije“. Aplikacija omogućava prijavu masovnih grobnica i drugih mjesta na kojima se mogu nalaziti posmrtni ostaci nestalih i prisilno nestalih osoba. Informacije se mogu prijaviti anonimno ili sa podacima za kontakt.

	Prijavljeno nestalih	Pronađeno nestalih
● Srebrenica 1995	7757	7022
● Donje Podrinje	4074	2652
● Posavina	1456	1030
● Krajina	6578	5194
● Gornje Podrinje	3718	2197
● Ozren 1995	340	245
○ Sjeveroistočna Bosna	548	385
● Središnja Bosna	2252	1603
● Sarajevo	2266	1705
○ Hercegovina	1675	1269
● Zapadna Bosna	629	531
● Nepoznato	63	57



Statistički pregled broja nestalih osoba po općinama nestanka zaključno sa 23. junom 2025. godine.